

ইব্রাহীম (আলাইহিস সালাম)

ইব্রাহীম আলাইহিস সালাম ছিলেন আবুল আশ্বিয়া বা নাবীগণের পিতা। কেননা তাঁর বংশধর হতেই পরবর্তী নাবী-রাসূলগণের আগমন হয়। তিনি ছিলেন মুসলিম জাতির পিতা। তাঁর স্ত্রী হাজেরার পুত্র ইসমাইল আলাইহিস সালাম এর বংশে জন্ম নেন আমাদের নাবী মুহাম্মাদ আলাইহিস সালাম।

নবুওয়াত ও রিসালাত: নূহ আলাইহিস সালাম এর পড়ে দীর্ঘ সময় অতিবাহিত হয়ে যায়। অনেক নাবীরও আগমন ঘটে। সকল নাবীই মানব জাতিকে এক আল্লাহর ইবাদাত করার আহবান করেন। কিন্তু পরবর্তীতে শয়তানের প্ররোচনাই মানুষ ভুলে যায় তাওহীদের পথ, শুরু করে প্রতিমা পূজা। এমনি এক মুহূর্তে আল্লাহ তা'আলা ইব্রাহীম আলাইহিস সালাম কে দান করেন নবুওয়াত ও রিসালাত।

তাওহীদের প্রতি আহবান: ইব্রাহীম আলাইহিস সালাম তাঁর পিতাসহ সকলকে বিভিন্ন ধরনের মূর্তির পূজা করতে দেখেন। তাই তিনি স্বীয় জাতিকে সে সকল মূর্তির ইবাদাত ছেড়ে এক আল্লাহর ইবাদাত করার জন্য দাওয়াত দেন।

ইব্রাহীম আলাইহিস সালাম তাঁর পিতাকে বহু যুক্তি দিয়ে এক আল্লাহর ইবাদাত করার আহবান জানান। তিনি পিতা আজরকে বললেন: “হে আমার পিতা! এমন বস্তুর কেন ইবাদাত করেন, যে কিছু শুনে না, কিছু দেখে না এবং আপনার কোন উপকার করতে পারে না। হে আমার পিতা! এক আল্লাহর ইবাদাত করুন যিনি সমগ্র পৃথিবীর মালিক।

তৎকালীন বাদশা নমরুদের প্রতি দাওয়াত: একদিন ইব্রাহীম আলাইহিস সালাম বললেন: আমার রব ঐ আল্লাহ, যিনি জীবন-মরণের মালিক। নমরুদ বলল: আমিও জীবন-মরণের মালিক। ইব্রাহীম আলাইহিস সালাম বললেন: আল্লাহ তো পূর্বদিকে সূর্য উঠান। তুমি তা পশ্চিম দিকে উঠাও তো দেখি। তখন নমরুদ অক্ষম ও হতবাক হয়ে গেল। তারপরও সে ঈমান আনল না।

মুসলিম জাতির পিতা: আল্লাহ তাঁর প্রিয় বান্দা ইব্রাহীম আলাইহিস সালাম কে মুসলিম জাতির পিতা বলে ঘোষণা করেছেন।

আল্লাহ তা'আলা বলেন: (مِلَّةَ أَبِيكُمْ إِبْرَاهِيمَ هُوَ سَمَّاكُمُ الْمُسْلِمِينَ)

“তোমাদের জাতির পিতা ইব্রাহীম আলাইহিস সালাম, তিনি তোমাদের নামকরণ করেছিলেন মুসলমান”। (সূরা আল হাজ্জ-৭৮)